



R01

**Verklags- og leiðbeiningarreglur
ISAC – Faggildingarsviðs Hugverkastofunnar**

R01 Verklags- og leiðbeiningarreglur ISAC

Hér á eftir fara almennar verklags- og leiðbeiningareglur, settar á grundvelli 4. gr. laga um faggildingu o.fl., nr. 24/2006, sem umsækjendur um faggildingu og faggiltir aðilar skuldbinda sig með faggildingarsamningi til að fara eftir.

Efnisyfirlit

1.	Almennar reglur	3
2.	Kröfur faggildingar	3
3.	Almennt um faggildingarferlið	4
4.	Trúnaður	5
5.	Almennar skyldur samræmismatsstofa	6
6.	Skjöl og skrár	7
7.	Aukið umfang faggildingar	7
8.	Faggilt vottorð og skýrslur	7
9.	Tilkynning um breytingar	8
10.	Frávik og athugasemdir.....	8
11.	Afturköllun og tímabundin niðurfelling faggildingar	10
12.	Upplýsingar um samræmismatsstofur.....	12
13.	Gjöld fyrir faggildingarþjónustu	12
14.	Val á matsmanni	12
15.	Endurskoðun ákvörðunar.....	13
16.	Kvartanir.....	13
17.	Tungumál	14

1. Almennar reglur

- 1.1 Aðeins þeir sem hlíta þessum verklags- og leiðbeiningarreglum, viðeigandi kröfum, skilmálum samnings við ISAC og greiða faggildingargjöld geta hlotið faggildingu, viðhaldið henni og endurnýjað hana.
- 1.2 Reglur þessar eru endurskoðaðar reglulega og ber faggiltum aðilum að fara eftir nýjustu útgáfu þeirra.
- 1.3 ISAC tilkynnir faggiltum samræmismatsstofum tímanlega um breytingar á reglum þessum svo að þær geti aðlagð starfsemi sína að breytingunum. Samræmismatsstofur skulu tilkynna ISAC þegar aðlögun að breytingunum er lokið ef hennar var þörf.
- 1.4 Samræmismatsstofur skulu ávallt uppfylla gildandi kröfur faggildingar og þeim er á hverjum tíma skylt að uppfæra starfsemi sína í samræmi við kröfur faggildingar.
- 1.5 Faggiltar samræmismatsstofur skulu fara eftir gildandi lögum og reglugerðum.

2. Kröfur faggildingar

- 2.1 Helstu kröfur faggildingar eru skilgreindar í nýjustu útgáfum eftirfarandi alþjóðlegra staðla:

Staðall	Heiti	Gerð samræmismats
ÍST EN ISO/IEC 17020	Samræmismat - Almenn viðmið um rekstur ýmiss konar stofnana sem annast skoðanir Conformity assessment - Requirements for the operation of various types of bodies performing inspection	Skoðun
ÍST EN ISO/IEC 17021-1	Samræmismat – Kröfur til stofnana sem annast úttektir og vottun stjórnunarkerfa - Hluti 1: Kröfur Conformity assessment - Requirements for bodies providing audit and certification of management systems - Part 1: Requirements	Vottun stjórnunarkerfa
ÍST EN ISO/IEC 17025	Almennar kröfur varðandi hæfni prófunar- og kvörðunarstofa General requirements for the competence of testing and calibration laboratories	Prófun og kvörðun
ÍST EN ISO/IEC 17065	Samræmismat – Kröfur til aðila sem votta vörur, ferli og þjónustu Conformity assessment - Requirements for bodies certifying products, processes and services	Vottun vöru, ferla og þjónustu
ÍST EN ISO 15189	Lækningarannsóknastofur – Kröfur um gæði og hæfni Medical laboratories - Requirements for quality and competence	Læknisfræðilegar greiningar

- 2.2. Samræmismatsstofur skulu styðjast við skjöl frá European Co-operation for Accreditation (EA), International Accreditation Forum (IAF) og International Laboratory Accreditation Cooperation (ILAC). Lista yfir þau skjöl er að finna í skjali EA-INF/01 á vef EA.
- 2.3 Enn fremur skulu faggiltar samræmismatsstofur uppfylla:
 - 2.3.1 Skjal R02 Faggildingarmerki og tilvísanir í faggildingu
 - 2.3.2 Kröfur viðkomandi samræmismatsstarfsemi þ.m.t. tæknilegar kröfur sem og aðrar faggildingarkröfur.
- 2.4 Upplýsingar um faggildingarþjónustu sem ISAC býður upp á eru birtar á vefsíðu ISAC.

3. Almennt um faggildingarferlið

- 3.1 Upplýsingar um verklag við meðferð umsókna, veitingu faggildingar og endurnýjun faggildingar má finna á vefsíðu ISAC.
- 3.2 Ef umsækjandi bregst ekki við svörum ISAC við umsókn innan þriggja mánaða skal ISAC tilkynna honum að umsóknin verði felld niður berist engin viðbrögð innan tveggja vikna frá dagsetningu tilkynningarinnar.
- 3.3 Eftirlit er framkvæmt með úttektum, þ.m.t. heimsóknum á starfsstöðvar.
- 3.4 ISAC ákveður fjölda úttekta og byggir hann m.a. á umfangi faggildingar.
- 3.5 Faggildingarhringur skal ekki vera lengri en 5 ár.
- 3.6 Allt umfang faggildingar skal tekið út a.m.k. einu sinni í hverjum faggildingarhring.
- 3.7 Almennt skal miðað við að úttektir séu gerðar á 12 mánaða fresti og aldrei sjaldnar en á 24 mánaða fresti.
- 3.8 Fyrsta eftirlitsúttekt fer alla jafna fram um 6 mánuðum eftir ákvörðun um veitingu fyrstu faggildingar.
- 3.9 Faggildingarhringur samanstendur venjulega af þremur eftirlitsheimsóknum og endurmati. Endurmatsferlinu þarf að vera lokið áður en hringnum lýkur.
- 3.10 ISAC áskilur sér rétt til þess að gera aukaúttektir, m.a. án þess að tilkynna komu sína fyrirfram, og að breyta tímasetningum úttekta, þar á meðal endurmats, frá áðurnefndum viðmiðum úttektartímabíla.
- 3.11 ISAC skal senda samræmismatsstofu tillögu að tímasetningum úttekta. Miðað er við að tillaga sé send um 3 mánuðum fyrir úttektardagsetningu. Kappkostað er að bjóða dagsetningar sem henta öllum aðilum.
- 3.12 Ef ekki næst samkomulag um dagsetningu úttektar milli ISAC og samræmismatsstofu ákveður sviðstjóri ISAC dagsetningu úttektar.
- 3.13 Fyrir úttekt skal samræmismatsstofa leggja tímanlega fram þau skjöl sem ISAC óskar:
 - 3.13.1 Upphafsmat, a.m.k. 8 vikum fyrir úttekt.

- 3.13.2 Eftirlitsúttekt, a.m.k. 4 vikum fyrir úttekt.
- 3.13.3 Endurmat, a.m.k. 4 vikum fyrir úttekt.
- 3.13.4 Umsókn um aukið umfang faggildingar, a.m.k. 8 vikum fyrir úttekt.
- 3.14 Samræmismatsstofur skulu að beiðni ISAC senda yfirlit yfir fyrirhugaðar úttektir.
- 3.15 Vottunarstofur stjórnunarkerfa, ISO 17021-1, skulu þó senda ISAC upplýsingar um fyrirhugaðar úttektir tvisvar á ári, fyrir 1. maí og 1. nóvember.
- 3.16 Ákvörðunarnefnd ISAC tekur ákvarðanir um veitingu faggildingar, endurmat, breytingu á umfangi faggildingar, niðurfellingu faggildingar og afturköllun hennar.
- 3.17 Sviðsstjóri ISAC getur auk þess skotið málum til ákvarðanatöku hjá ákvörðunarnefnd.
- 3.18 Þegar ákvörðun liggur fyrir sendir ISAC tilkynningu þess efnis til samræmismatsstofu.
- 3.19 Ef samræmismatsstofa er ósammála ákvörðun getur hún óskað endurskoðunar á ákvörðuninni, sbr. kafla 15.

4. Trúnaður

- 4.1 Allar upplýsingar sem ISAC fær frá viðskiptavinum eru meðhöndlaðar sem trúnaðarmál nema þær séu nú þegar aðgengilega almenningi.
- 4.2 Allir starfsmenn ISAC, matsmenn, sérfræðingar og/eða aðrir á vegum ISAC undirrita yfirlýsingu um að þeir séu bundnir þagnarskyldu um það sem þeir kunna að verða áskynja í störfum sínum fyrir ISAC.
- 4.3 ISAC afhendir þriðja aðila ekki upplýsingar án samþykkis samræmismatsstofu, nema slíkrar upplýsingargjafar sé krafist samkvæmt lögum.
- 4.4 ISAC getur þó þurft að hafa samband við viðeigandi stofnanir ef umsókn er þess eðlis að samráðs við önnur stjórnvöld er krafist.
- 4.5 Samræmismatsstofur skulu veita þeim aðilum sem starfa á vegum EA við jafningjamat sama aðgang að upplýsingum og ISAC.
- 4.6 Lög sem gilda um trúnað og upplýsingagjöf eru:
 - 4.6.1 Lög um faggildingu o.fl., nr. 24/2006.
 - 4.6.2 Lög um réttindi og skyldur starfsmanna ríkisins, nr. 70/1996.
 - 4.6.3 Lög um persónuvernd og vinnslu persónuupplýsinga, nr. 90/2018.
 - 4.6.4 Upplýsingalög, nr. 140/2012.
 - 4.6.5 Stjórnsýslulög, nr. 37/1993.

5. Almennar skyldur samræmismatsstofa

- 5.1 Samræmismatsstofur skulu öllum stundum uppfylla kröfur faggildingar og skuldbinda sig til að sýna fram á gögn þess efnis.
- 5.2 Samræmismatsstofur skulu laga sig að breytingum sem verða á kröfum um faggildingu.
- 5.3 Samræmismatsstofur skulu uppfylla skyldur sínar eins og þær eru skilgreindar í þessum reglum, samningum, viðeigandi kröfum um faggildingu, stefnum, reglugerðum, leiðbeiningum og öðrum kröfum sem ISAC setur fram.
- 5.4 Skyldur samræmismatsstofa felast í, en takmarkast ekki við:
 - 5.4.1 samvinnu við ISAC svo að ISAC geti sannreynt að samræmismatsstofa uppfylli kröfur faggildingar,
 - 5.4.2 að upplýsa um umfang faggildingar sinnar og ef einhver hluti starfseminnar fellur ekki undir faggildingu að taka það skýrt fram,
 - 5.4.3 að sjá til þess að hægt sé að sinna eftirliti með faggiltri starfsemi þegar ISAC óskar þess og/eða telur nauðsynlegt, hvort sem tilkynnt hefur verið um fyrirhugað eftirlit eða ekki,
 - 5.4.4 að veita ISAC aðgang að viðeigandi starfsfólki samræmismatsstofu, starfsstöðvum, búnaði, upplýsingum, skjölum og skráum sem nauðsynlegt þykir til að staðfesta kröfur faggildingar, þ.m.t. upplýsinga, skjala og skráa sem tilheyra ekki faggiltum hluta starfseminnar, og sama aðgang skulu matsaðilar ISAC hafa (svo sem í jafningjamati EA),
 - 5.4.5 að kveða í samningum við viðskiptavini sína á um heimild ISAC til aðgangs að starfsstöðvum til að framkvæma úttekt í því skyni að meta frammistöðu samræmismatsstofu við framkvæmd samræmismats. Slíkur aðgangur skal einnig gilda um matsaðila sem meta ISAC (svo sem í jafningjamati EA),
 - 5.4.6 að hlíta stefnu ISAC um notkun á faggildingarmerkinu R02,
 - 5.4.7 að koma ekki óorði á faggildingu og ISAC með athæfi sínu,
 - 5.4.8 að tilkynna ISAC tafarlaust um allar verulegar breytingar sem verða á rekstri samræmismatsstofu og áhrif þeirra (sbr. kafla 9),
 - 5.4.9 að greiða eigi síðar en á eindaga gjöld fyrir þjónustu ISAC, sbr. gjaldskrá,
 - 5.4.10 að aðstoða við rannsókn og úrlausn kvartana í tengslum við faggilta starfsemi þeirra sem berast ISAC,
 - 5.4.11 að taka þátt í hæfni- eða samanburðarprófunum eins og ISAC telur nauðsynlegt,
 - 5.4.12 að vísa ekki til faggildingar til að gefa til kynna að ISAC hafi samþykkt vöru, ferli, kerfi eða einstakling,
 - 5.4.13 að gæta þess að vottorð eða skýrslur séu ekki villandi,
 - 5.4.14 að bjóða ekki faggilta þjónustu sem ófaggilta.

- 5.5 Samræmismatsstofur skulu veita starfsmönnum og matsmönnum ISAC og öðrum aðilum á vegum ISAC (t.d. jafningjamatsmönnum EA) allar upplýsingar, aðstoð og samvinnu sem nauðsynlegt er til að ISAC geti sinnt störfum sínum.
- 5.6 Samræmismatsstofur skulu á eigin kostnað útvega skjöl, prófanir, rannsóknir eða skýrslur sem ISAC óskar eftir, ásamt því að gera frekari prófanir, rannsóknir eða skýrslur sem ISAC krefst og afhenda ISAC niðurstöður þeirra, enda sé það nauðsynlegt til að sýna fram á að kröfur séu uppfylltar.
- 5.7 Ef samræmismatsstofa verður uppvís að sviksamlegri hegðun, sendir inn rangar upplýsingar, leynir upplýsingum eða brýtur vísitandi faggildingarkröfur hafnar ISAC umsókninni eða fellir niður faggildingu.

6. Skjöl og skrár

- 6.1 Samræmismatsstofur skulu varðveita skjöl, skrár og skýrslur sem tengjast faggiltri starfsemi þeirra í að lágmarki fimm ár nema lög og reglur kveði á um lengri vistunartíma.
- 6.2 Samræmismatsstofur skulu að beiðni ISAC geta framvísað öllum gögnum sem óskað er eftir og tengjast faggiltri starfsemi þeirra.
- 6.3 Gögn skulu vistuð þannig að auðvelt sé að nálgast þau.
- 6.4 Samræmismatsstofur skulu halda uppfærðar skrár um hæfi, þjálfun, hæfni og reynslu starfsfólks þar sem skyldur og réttindi eru skráð.

7. Aukið umfang faggildingar

- 7.1 Þegar sótt er um aukið umfang faggildingar skal nota til þess sérstakt eyðublað F01.
- 7.2 Ef samræmismatsstofa óskar þess að úttekt á auknu umfangi fari fram í næstu áætluðu úttekt þarf umsókn að berast ISAC eigi síðar en 4 mánuðum fyrir hana. Öll gögn þurfa að berast ISAC fyrir úttektina, sbr. lið 3.13. Ef gögnum er ekki skilað tímanlega ákveður sviðstjóri ISAC hvort hægt sé að verða við umsókninni.

8. Faggilt vottorð og skýrslur

- 8.1 Faggilt vottorð og skýrslur samræmismatsstofu skulu uppfylla kröfur sem gerðar eru til slíkra skjala í viðeigandi faggildingarstöðlum og öðrum faggildingarkröfum. Skýrslur og vottorð þurfa einnig að innihalda:
 - 8.1.1 Nafn og heimilisfang samræmismatsstofu.
 - 8.1.2 Faggildingarmerki ISAC með faggildingarnúmeri samræmismatsstofu eða texta sem vísar til faggildingar og faggildingarnúmers samræmismatsstofu.
- 8.2 Þegar faggilt samræmismatsstofa lýsir yfir samræmi skal hún aðeins vísa til samræmis við kröfur staðla og grunnkröfur sem faggilding samræmisstofunnar nær til.

- 8.3 Faggilt vottorð og skýrslur kvörðunar-, prófunar- og skoðunarstofa skulu hafa að geyma faggiltar niðurstöður.
- 8.4 Ef faggilt vottorð og skýrslur kvörðunar-, prófunar- og skoðunarstofa hafa að geyma niðurstöður sem ekki eru faggiltar skal vera skýrt merkt hvaða niðurstöður eru faggiltar og hverjar ekki.

9. Tilkynning um breytingar

- 9.1 Samræmismatsstofu ber að tilkynna ISAC án tafar um allar verulegar breytingar sem verða á rekstri hennar og gætu haft áhrif á getu hennar til að standast kröfur faggildingar.
- 9.2 Dæmi um breytingar eru, en takmarkast ekki við:
 - 9.2.1 breytingar á rekstrarformi, eignarhaldi eða nafni samræmismatsstofu,
 - 9.2.2 skipulagsbreytingar, nýir stjórnendur eða nýir lykilstarfsmenn,
 - 9.2.3 breytingar á stefnum eða verkferlum, þar sem við á,
 - 9.2.4 breytingar á húsnæði, opnun nýs útibús eða flutningur samræmismatsstofu,
 - 9.2.5 nýtt starfsfólk, tækjabúnaður, aðstaða, vinnuumhverfi eða annar aðbúnaður, þar sem við á,
 - 9.2.6 breytt umfang faggildingar,
 - 9.2.7 aðrar breytingar sem gætu haft áhrif á faggildingu og getu samræmismatsstofu til að uppfylla skilyrði faggildingar,
- 9.3 Breytingar eru tilkynntar með því að skila til ISAC útfylltu eyðublaði F01.
- 9.4 Allar upplýsingar um breytingar skal tilkynna um leið og þær liggja fyrir og í öllum tilvikum áður en þær taka gildi nema breytingarnar séu nauðsynlegar til að tryggja samfelldan rekstur eða um sé að ræða neyðartilvik. Samræmismatsstofa skal samt sem áður tilkynna ISAC breytingarnar við fyrsta tækifæri og ekki bíða með það þar til við næstu úttekt.
- 9.5 Samræmismatsstofa skal leggja fram áhættumat á breytingum með tilkynningu um þær. Gögnum sem styðja áhættumatið og aðgerðaráætlun sem tryggja á að breytingarnar hafi ekki áhrif á stöðu faggildingar skal skilað inn samtímis.
- 9.6 Ef um verulegar breytingar á starfsemi samræmismatsstofu er að ræða gæti þurft að sækja um breytingu á umfangi faggildingar.
- 9.7 Ef vafi leikur á um hvort skila þurfi inn tilkynningu um breytingar skal leita upplýsinga hjá ISAC.

10. Frávik og athugasemdir

- 10.1 Frávik frá kröfum faggildingar eru flokkuð á þrjú mismunandi vegu.
 - 10.1.1 Frávik: Samræmismatsstofa uppfyllir ekki kröfur faggildingar.

- 10.1.2 Alvarlegt frávik: Samræmismatsstofa uppfyllir ekki kröfur faggildingar og frávik hefur alvarlegar afleiðingar á faggilta starfsemi. Þetta á t.d. við þegar frávik hefur áhrif á faggilta stöðu samræmismatsstofu, traust á samræmismati og/eða stöðu faggildingar á Íslandi.
- 10.1.3 Athugasemd: Mögulegt frávik eða tækifæri til umbóta í starfsemi samræmismatsstofu. Samræmismatsstofa skal upplýsa ISAC þegar hún hefur metið athugasemdina og láta vita hvort aðgerða sé þörf.
- 10.2 Frávik eða athugasemdir geta verið skráð á samræmismatsstofu í faggildingarúttekt og ef ISAC verður þess áskynja að samræmismatsstofa fer ekki eftir kröfum, t.d. ef kvörtun eða ábending berst ISAC.
- 10.3 ISAC veitir samræmismatsstofum ekki ráðgjöf um hvernig bætt skuli úr frávikum.
- 10.4 Frávikum skal svarað í frávikaskýrslu A01 og í henni skal koma fram greining samræmismatsstofu á umfangi og orsök fráviks, þ.e. rötargreining, og úrbótatillögur, þ.e. hvernig samræmismatsstofa hyggst bæta úr frávikum ásamt gögnum því til stuðnings.
- 10.5 ISAC móttækur, yfirfer og metur innsendar úrbótatillögur. Þegar fullnægjandi úrbótatillögur og gögn hafa borist, að mati ISAC, telst frávik lokað.
- 10.6 Fyrstu úrbótatillögur skulu berast ISAC eigi síðar en 20 virkum dögum frá dagsetningu frávikaskýrslu.
- 10.7 ISAC getur í sérstökum tilvikum veitt samræmismatsstofu lengri frest til að skila inn úrbótatillögum. Sá frestur á þá aðeins við um einstaka frávik og eftir sem áður þarf að loka öðrum frávikum innan upphaflegs tímabrests. Ósk um lengri frest skal berast skriflega til ISAC innan upphaflegs tímabrests og henni skal fylgja greinargerð um hvers vegna ekki hefur tekist að loka frávikum og tímasett aðgerðaáætlun um hvernig og hvenær frávikum verður lokað.
- 10.8 Ef frávik er alvarlegt getur samræmismatsstofa haft skemmri tíma til að loka frávikum. Alvarlegum frávikum skal að öllu jöfnu lokað innan 10 virkra daga frá dagsetningu frávikaskýrslu.
- 10.9 Ef úrbótatillögur sem samræmismatsstofa sendir ISAC eru ekki nægjanlegar til að loka frávikum upplýsir ISAC samræmismatsstofuna um það. Samræmismatsstofa skal senda inn nýjar úrbótatillögur eigi síðar en 10 virkum dögum frá tilkynningu ISAC.
- 10.10 Samræmismatsstofu er heimilt að senda ISAC úrbótatillögur allt að þrisvar sinnum.
- 10.11 Ef frávikum er ekki lokað innan upphaflegs tímaramma getur það leitt til tímabundinnar niðurfellingar, minnkunar á umfangi eða afturköllunar faggildingar (sbr. kafla 11). Í upphafsmati getur það leitt til takmörkunar þess umfangs sem upphaflega var sótt um.
- 10.12 Ef þörf krefur gerir ISAC eftirfylgniúttekt á samræmismatsstofu til að kanna innleiðingu og virkni úrbóta.
- 10.13 Ef um er að ræða frávik úr upphafsmati og samræmismatsstofa framvísar ekki nægjanlegum gögnum til að loka frávikum innan gefins tímaramma fellur umsókn niður nema um annað hafi verið samið.

10.14 Samskipti samræmismatsstofu og matsmanna skulu vera með milligöngu ISAC.

11. Afturköllun og tímabundin niðurfelling faggildingar

11.1 ISAC hefur ýmsar ráðstafanir sem stuðla að því að vernda stöðu faggildingar og sjá til þess að samræmismatsstofur virði kröfur faggildingar. Þessar ráðstafanir eru:

11.1.1 Valkvæð tímabundin niðurfelling faggildingar:

- Samræmismatsstofa óskar eftir tímabundinni niðurfellingu á faggildingu sinni eða hluta hennar.

11.1.2 Tímabundin niðurfelling faggildingar:

- ISAC fellir niður faggildingu eða hluta hennar.

11.1.3 Uppsögn faggildingar:

- Samræmismatsstofa segir upp faggildingu sinni eða hluta hennar.

11.1.4 Afturköllun faggildingar:

- ISAC afturkallar faggildingu ótímabundið að hluta eða öllu leyti.

11.2 ISAC getur fellt niður faggildingu tímabundið ef:

11.2.1 beiðni um gjaldþrotaskipti samræmismatsstofu hefur verið lögð fram, ef fyrirtæki hefur fengið heimild til að leita nauðasamninga eða ef árangurslaust fjárnám hefur farið fram,

11.2.2 breytingar verða á skipulagi, starfsfólki, ábyrgð starfsfólks, búnaði, húsnæði eða umfangi starfsemi sem ISAC telur að hafi áhrif á getu samræmismatsstofu til að fara að hluta eða öllu leyti eftir kröfum faggildingar (sbr. kafla 9),

11.2.3 samræmismatsstofa hefur ekki staðið skil á greiðslum til ISAC,

11.2.4 breytingar verða á kröfum faggildingar og ISAC telur að samræmismatsstofa hafi ekki getu til að verða við þeim, að hluta eða öllu leyti, innan tímamarka sem ISAC setur,

11.2.5 samræmismatsstofa hagar starfsemi sinni ekki í samræmi við kröfur faggildingar eða samning við ISAC,

11.2.6 ekki tekst að loka frávikum innan ákveðinna tímamarka frá úttekt (sbr. kafla 10),

11.2.7 ISAC telur að samræmismatsstofa hafi með háttalagi sínu, tengdra fyrirtækja eða viðskiptavina sinna komið neikvæðu orði á faggildingu, hvort sem það tengist faggiltri starfsemi eður ei,

11.2.8 samræmismatsstofa hefur að mati ISAC notað undirverktaka á óhóflegan eða óábyrgan máta,

11.2.9 samræmismatsstofa hefur orðið uppvís að sviksamlegri eða óheiðarlegri hegðun og/eða gerst brotleg við lög,

- 11.2.10 samræmismatsstofan hefur vísitandi veitt rangar upplýsingar eða haldið upplýsingum leyndum.
- 11.3 ISAC getur einnig afturkallað faggildingu með skriflegri tilkynningu vegna einhverra af framangreindum ástæðum eða ef ISAC telur að slík afturköllun sé réttlætanleg. Þetta á t.d. við þegar brot hefur áhrif á faggilta stöðu samræmismatsstofu, traust á samræmismati og/eða stöðu faggildingar á Íslandi.
- 11.4 Ef faggilding samræmismatsstofu hefur verið afturkölluð en samræmismatsstofa óskar faggildingar á ný þarf samræmismatsstofa að leggja inn nýja umsókn um faggildingu til ISAC.
- 11.5 Samræmismatsstofa getur hvenær sem er óskað afturköllunar á faggildingu sinni, hvort sem er að hluta eða í heild, með skriflegri tilkynningu til ISAC. Samræmismatsstofa skal þá greiða allan áfallinn kostnað vegna faggildingarinnar.
- 11.6 Samræmismatsstofa getur hvenær sem er sótt um tímabundna niðurfellingu faggildingar sinnar, hvort sem er að hluta eða í heild. Samræmismatsstofa skal þá greiða allan áfallinn kostnað vegna faggildingarinnar.
- 11.7 Ef samræmismatsstofa sér fram á að hún geti ekki uppfyllt kröfur faggildingar og/eða faggildingarsamning skal samræmismatsstofan umsvifalaust sækja um tímabundna niðurfellingu faggildingar til ISAC, jafnvel þó að ástæða þess að samræmismatsstofan getur ekki uppfyllt kröfur og/eða samning sé ekki af hennar völdum.
- 11.8 ISAC getur hafnað umsókn samræmismatsstofu um tímabundna niðurfellingu eða afturköllun faggildingar og þess í stað tekið ákvörðun um tímabundna niðurfellingu eða afturköllun.
- 11.9 Við afturköllun, tímabundna niðurfellingu eða minnkun umfangs faggildingar skal samræmismatsstofa:
- 11.9.1 tilkynna viðskiptavinum sínum tafarlaust um breytingu á stöðu faggildingar og mögulegar afleiðingar fyrir viðskiptavini,
 - 11.9.2 láta undireins af notkun faggildingarmerkis ISAC og vísa ekki til faggildingar á verkum sem áður voru faggilt á skýrslum, vottorðum, merkjum og öðrum skjölum sem afhent eru viðskiptavinum. Einnig skal hætta að vísa til faggildingar í öllum öðrum skjölum, bæklingum, auglýsingum og markaðsefni þar sem vísað er til verka sem áður voru faggilt,
 - 11.9.3 sjá til þess að allir viðskiptavinir hennar hætti tafarlaust að vísa til faggiltra verka í öllum skjölum, bæklingum, auglýsingum og öðru markaðsefni sem þeir gefa út.
- 11.10 Þrátt fyrir að faggilding sé ekki lengur gild halda ákvæði um skráningu, notkun á ISAC-merki og trúnað gildi sínu.
- 11.11 Tímabundin niðurfelling faggildingar, hvort sem hún er að frumkvæði samræmismatsstofu eða ákveðin af ISAC, skal ekki vara lengur en þrjá mánuði. Í sérstökum tilfellum getur ISAC framlengt hana upp í alls sex mánuði.

- 11.12 Ef faggilding samræmismatsstofu hefur verið felld niður tímabundið og samræmismatsstofa skilar ekki inn nægjanlegum gögnum til að loka frávikum innan ákveðinna tímamarka skal faggilding hennar afturkölluð.
- 11.13 Þegar faggilding er afturkölluð sendir ISAC tilkynningu þess efnis til samræmismatsstofu. Í tilkynningunni kemur fram til hvaða aðgerða samræmismatsstofan þarf að grípa eftir að faggilding er felld úr gildi. Ef faggilding er felld niður tímabundið, hvort sem það er að frumkvæði samræmismatsstofu eða ákveðið af ISAC, felur tilkynningin í sér upplýsingar um þær aðgerðir sem samræmismatsstofan þarf að grípa til svo að niðurfellingu faggildingar verði aflétt.
- 11.14 Þegar samræmismatsstofa bætir á fullnægjandi hátt úr frávikum sem orsökuðu tímabundna niðurfellingu faggildingar, að hluta eða öllu leyti, tekur ISAC ákvörðun um að koma faggildingu á aftur. Skilyrði þess er að ISAC hafi yfirfarið og samþykkt úrbótatillögu samræmismatsstofu.
- 11.15 Eftir að faggildingu hefur verið komið á aftur helst faggildingarhringur samræmismatsstofu óbreyttur frá því fyrir niðurfellingu.

12. Upplýsingar um samræmismatsstofur

- 12.1 ISAC heldur úti skrá yfir stöðu og umfang faggildinga samræmismatsstofa með faggildingu frá ISAC og birtir upplýsingar um þær á vef sínum.
- 12.2 ISAC ber ekki ábyrgð á tjóni, þ.m.t. neikvætt orðspor, samræmismatsstofa vegna notkunar annarra aðila á skrá yfir faggiltar samræmismatsstofur eða öðrum upplýsingum af vefsíðu ISAC.
- 12.3 ISAC getur hvenær sem er yfirfarið allar skrár sem það heldur og getur fjarlæggt upplýsingar um samræmismatsstofur úr þeim, enda hafi ISAC þá fellt faggildingu niður eða afturkallað hana.

13. Gjöld fyrir faggildingarþjónustu

- 13.1 ISAC innheimtir gjöld fyrir þjónustu sína samkvæmt gjaldskrá.

14. Val á matsmanni

- 14.1 ISAC setur saman matsteymi fyrir hverja faggildingarúttekt og tilkynnir samræmismatsstofu um það.
- 14.2 Samræmismatsstofa getur andmælt vali á matsmanni. Rökstuðningur þess efnis þarf að berast skriflega innan 3 virkra daga frá því að samræmismatsstofu er tilkynnt um valið.
- 14.3 Ef ISAC telur að andmælin eigi við rök að styðjast kappkostar ISAC að finna nýjan matsmann.
- 14.4 Samræmismatsstofu skal vera ljóst að tilnefning nýs matsmanns getur seinkað faggildingarferlinu þar sem tíma getur tekið að finna nýjan matsmann.

- 14.5 Ef ekki næst að finna nýjan matsmann eða samræmismatsstofa andmælir nýjum tillögum að matsmönnum, þá skal samræmismatsstofu gefinn sá valkostur að samþykka þá matsmenn sem lagðir hafa verið til, enda sé fullreynt að leita annarra leiða.
- 14.6 Ef um upphafsmat er að ræða og ekki næst sátt um val á matsteymi getur ISAC ákveðið að hafna formlega umsókn eða samræmismatsstofa getur dregið umsókn sína til baka.

15. Endurskoðun ákvörðunar

- 15.1 Ef samræmismatsstofa er ósammála faggildingarákvörðun getur hún óskað eftir endurskoðun ákvörðunar við ISAC.
- 15.2 Beiðni um endurskoðun ákvörðunar skal vera skrifleg og lögð fram innan mánaðar frá dagsetningu ákvörðunar. Rökstuðningur fyrir endurskoðun ákvörðunar skal fylgja beiðninni.
- 15.3 Stefnt er að því að taka endurskoðun ákvörðunar fyrir hjá ávörðunarnefnd innan mánaðar frá því ISAC berst beiðni um endurskoðun ákvörðunar.
- 15.4 Ef ákvörðunarnefnd fellst á að breyta fyrri ákvörðun er ný ákvörðun tekin í málinu og tilkynning þess efnis send til samræmismatsstofu.
- 15.5 Ef ákvörðunarnefnd stendur við upphaflega ákvörðun er það staðfest í tilkynningu til samræmismatsstofu. Með slíkri niðurstöðu ákvörðunarnefndar lýkur málmeðferð ISAC.
- 15.6 Sé samræmismatsstofa ósátt við niðurstöðu skv. lið 15.4 getur hún kært ákvörðun ISAC til atvinnuvega- og nýsköpunarráðuneytisins skv. 26. gr. stjórnslulaga, nr. 37/1993, innan þriggja mánaða frá dagsetningu tilkynningar skv. lið 15.4.
- 15.7 Kostnaður vegna beiðni um endurskoðun ákvörðunar til ISAC skal greiddur af samræmismatsstofu, nema endurskoðun ákvörðunar leiði til nýrrar ákvörðunar.
- 15.8 Endurskoðun ákvörðunar og aðgerðir í kjölfar hennar mega ekki leiða til mismununar gagnvart þeim sem leggur fram beiðni um endurskoðun ákvörðunar.

16. Kvartanir

- 16.1 Kvartanir geta varðað tvennt:
 - 16.1.1 Starfsemi ISAC (fyrir utan ákvarðanir).
 - 16.1.2 Starfsemi samræmismatsstofa sem ISAC hefur faggilt.
- 16.2 Samræmismatsstofur geta sent inn kvartanir vegna annarra mála en faggildingarákvarðana. Upplýsingar um endurskoðun ákvarðana eru í kafla 15.
- 16.3 Kvartanir eru meðhöndlaðar samkvæmt kvörtunarferli ISAC. Ferlið er tiltækt á vefsíðu ISAC.
- 16.4 Tekið er á móti kvörtunum hvort sem þær koma frá einstaklingum, fyrirtækjum eða stofnunum.
- 16.5 Öllum kvörtunum þurfa að fylgja upplýsingar um hvernig hægt er að hafa samband við tengilið, t.d. netfang.

- 16.6 Kvartanir sem byggjast eingöngu á orðrómi eru ekki rannsakaðar.
- 16.7 ISAC stefnir að því að leysa úr kvörtunum innan 4 vikna, ef hægt er.
- 16.8 Kvartanir skulu fela í sér ítarlega lýsingu á viðkomandi atviki.
- 16.9 ISAC áskilur sér rétt til þess að gera aukaúttektir ef þess þarf vegna rannsóknar á kvörtun.
- 16.10 ISAC upplýsir þann aðila sem sendir kvörtun um niðurstöðu rannsóknar á henni og, ef við á, aðgerðum ISAC. Kvörtunarferlinu telst þar með lokið.
- 16.11 Sá aðili sem kvartar hefur tvær vikur til að mótmæla niðurstöðum.
- 16.12 Upp getur komið sú staða að ISAC berist staðfestar upplýsingar sem vekja upp grunsemdir um háttalag sem þarf að meðhöndla eins og formlega kvörtun, t.d. upplýsingar í kynningarefni. Í þeim tilvikum verður farið eftir reglum þessa kafla eins og við á.
- 16.13 Upplýsingar sem ISAC verður áskynja í rannsókn á kvörtunum eru trúnaðarmál.
- 16.14 Rannsókn á kvörtun og aðgerðir í kjölfar kvörtunar mega ekki leiða til mismununar gagnvart þeim sem kvartar.

17. Tungumál

- 17.1 Íslenska er aðalmál ISAC og samskipti skulu fara fram á íslensku sé þess kostur.
- 17.2 Þegar erlendir matsmenn eru fengnir í matsteymi og ekki verður komist hjá því að úttektir og önnur samskipti séu á ensku ber samræmismatsstofu að útvega túlk eða þýðingar ef þess gerist þörf og bera kostnaðinn ef svo ber undir.